

TB Im Virus Eo Ej Kọkkure Jikin Bōbrae Jān Nañinmej Ilo Ānbwin (HIV)

Ta ej waļok ñe ewōr ippān juon armej TB im HIV jīmor?

Ñe jikin bōbrae nañinmej ilo ānbwin juon armej ej jorrān, kijin TB ej kajoorļok im “memourur” im waļok nañinmej in TB. Nañinmej in TB ej kōmman an waļok nañinmej in AIDS ippān armej ro ewōr aer kij HIV. Āinwōt bar elōñ mej kapopo, TB ekauwōtataļok ñan armej ro ewōr ippāer HIV:

- Ñe armej ro emman aer mour rej bōk kijin TB eo, juon wōt iaan 10 iaer enaaj bōk nañinmej in TB ilo aolepān iien an mour..
- Ñe armej ro ewōr ippāer kij HIV rej bōk kijin TB, juon iaan jilu iaer enaaj bōk nañinmej in TB ilowaan juon iio.

Jemļokin TB teej eo ilo kil emaroñ riab-ba-ejjelok TB, kōnke emōj an kij HIV kōjorrān immune system eo an armej eo ewōr ippān TB im HIV jīmor. Armej eo ewōr ippān HIV eaikuj mōkaj im bōk kakōlōl in TB ālikin loe bwe ewōr kij HIV ippān. Ñan kōjparok bwe therapy ko rej tōprak, armej ro ewōr ippāer kij HIV im TB jīmor renaaj aikuj bōk kōmadmōdin bōbrae jān TB ilo therapy in waje idaak wūno (DOPT). DOPT ej kilen jermal eo im rijermal eo an county health department ej leļok im waje an ri-nañinmej eo kōdālōbe wūno ko ilo iien eo im ijo kar errā kake.

Iaikuj ke kōkōl, imaroñ bōk kijin TB jān juon armej eo ewōr kij HIV ippān?

Juon armej eo ewōr an nañinmej in TB emaroñ kajeeded kijin TB ñan ro jet, mekarta ewōr ak ejej HIV ippāer. Armej eo ewōr ak ejej ippān TB im AIDS jīmor ejjab pidodoļok an maroñ kajeeded kijin TB jān armej eo ewōr an nañinmej in TB wōt. Ijo wōt ke, epidodoļok an waļok nañinmej in TB ippān armej ro ewōr aer kij HIV ñe renaaj bōk kijin TB.

Ta “kijin TB ko āinjuon kilen būki” (atypical)?

Kijin TB ko āinjuon kilen būki rej kij ko āierļok wōt kijin TB ko ak ñe būki rejjab maroñ ajeeded jān armej ñan armej. Kij kein jeje kein būki jān būnal, aebōj, kōkan ko, milik ak jān menonoik tipdikdik/ būnalnal ko jān jet kain menin mour ak mōñā/idaak kij ak deloñe juon kinej ilo kil. Kij kein remaroñ kōmman an armej ro ewōr aer kij HIV ak AIDS nañinmej.